

\*\*\*\*\*

## RAGAD ADVERTENTIE:

Kabar premili: 1 — 30 temboeng f 1.—  
Langkoengipoen, saben 10 temboeng oetawi  
kirang: f 0,50.

Advertentie limrah: f 0,15 sagaris;  
(apes: f 1,25).  
Moendoet kapatjak langkoeng saking sa-  
pisan, oetawi moendoet dados lengganan,  
tebang rembag roemijin kalijan admini-  
stratie.

Hoofdredacteur:

B. SOEMARNA

kabantoe

REDACTIE - COMMISSIE.

\*\*\*\*\*

# SWARA-TAMA

## SERAT KABAR KATHOLIEK

== Medal saben dinten Djoemoewah. ==

\*\*\*\*\*

REGINIPOEN LENGGANAN

SWARA TAMA

sampoen kalijan regining Soeara Katholiek

1 taoen . . . . f 7,50 } njoewoen kabajar  
1/2 .. . . . f 3,75 } roemijin.

Adrèsiipoen Redactie lan Administratie

IGNATIUS-COLLEGE

DJOKJAKARTA.

\*\*\*\*\*

Drukkerij „Canisius“ Djokja.

## ISIN IPOEN:

Pétangan djiwa ing Indonésiah bédj-  
djing taoen 1930—Saged oegi dados  
gendra — Panggoela-wentahipoen  
bangsa wanita — Pangreksanipoen  
wanita—Nétra moelat—Kekirangan  
Imam, kinarja tepa paloepe—Saraita  
lan Togog — Panggoela wentah —  
Rak makaten ta—Ontjèn sekar gam-  
bir melati — Oerap-sari — Corres-  
pondentie.

## PRADJA RAHAJOE

PÉTANGAN DJIWA ING INDO-  
NÉSIAH, BÉDJJING TAOEN 1930.

(Sosorahipoen professor  
J. van Gelderen)

Kala woelan kapengker prof. J. van  
Gelderen sosorah bab „Pétangan-  
djiwa Indonésiah“ wonten kantor  
statistik ing Betawi. Serat<sup>2</sup> kabar  
sami ngewrat sesorah waoe. Soera-  
osipoen kénging karingkes makaten:  
1. *Goenaniipoen*. Wontening Volk-  
stelling mila migoenani. Margi pé-  
tangan-djiwa, kita badé soemerep  
sapinten tjtjahing djiwa ing ngriki  
ingkang leres; soemerep kawonten-  
aning satoenggal-toenggaling gol-  
ongan; kadosta: soemerep sapinten  
tjtjahipoen laré èstri lan laré  
djalér, ing satoenggiling papan;  
soemerep: sapinten katahipoen tijang  
ingkang anggaota tatanén, soedagar-  
an, lss. Kadjawi poenika oegi soe-  
merep sapinten tjtjahipoen bangsa  
kita ingkang sami késah bebara  
dateng sanès negari. lss.

Njoemerepi kawontenan makaten  
poenika boten namoeng migoenani  
toemrap oemoem. Oegi mikantoe-  
ki toemrap Nagari ingkang ngoepados  
ichtijar badé ngadjengaken tanah  
lan bangsa Indonésiah. Oepami:  
kanggé perloening kasasaran ing  
satoenggiling panggénan, Paréntah  
kedah inggih pirsapinten tjtjah-  
ipoen tijang ingkang manggèn ing  
ngrikoe; preloenipoen sageda leres  
anggenipoen njoedijani djampi-  
djampi, poenggawa-poenggawa lss.

Kanggé preloening onderwijs,  
Nagari inggih kedah ngoeningani  
sapinten djiwanipoen-papan ngrikoe;  
preloenipoen sageda nemtokaken  
kalajan leres anggenipoen badé ma-  
ringi sakolahan.

Margi wontening volkstelling, Pa-  
réntah oetawi (tijang katah) saged  
pirsa sapinten katahipoen kawoela  
ingkang saged maos, njerat.

Tjekak, pétangan-djiwa pantjèn  
migoenani. Paréntah kagoengan ka-  
wadajiban manggali betahing ka-  
woela babagan lahir lan batos. Mila  
manawi boten pirsapinten tjtjah-  
ipoen tjtjahing kawoela ingkang kedah  
kapenggali, lan kados-poendi ka-  
wontenanipoen, Paréntah saèstoe  
boten saged netepi wadjibipoen  
ingkang kalajan sampoerna.

2. *Boten namoeng Indonésiah ké-  
mawon ingkang wonten volkstelling*.  
Volkstelling toemindak wonten na-  
gari-nagari saindenging djagad. Kala  
tm. 1927, Toerki inggih ngawonten-  
aken pétangan-djiwa: Toemindak-  
ipoen keras, mawi ginantoengan  
paoekoeman, kadosta: salebetipoen  
volkstelling, tetijang boten kénging  
késah-késah. Ing daloe ingkang tel-  
las-telasan salebetipoen volkstelling,  
sadaja toempakan, boten kénging  
mlampah; sadaja tetinggalan kedah  
kéndel. Preloenipoen inggih soepa-  
dos leres pamétangipoen. Mesti  
kémawon margi wontening volkstel-  
ling waoe, kawoela Toerki katah  
ingkang nandang pitoena. Éwadéné  
boten wonten ingkang ngalahiraken  
boten narimahing manah. Awit, ke-  
djawi adrih kalijan Kemal Pasha,  
tetijang ngrikoe sami mangertos  
genging pigoenanipoen pétangan-  
djiwa (— Malah pétangan-djiwa  
makaten poenika, boten namoeng  
toemindak wonten djam samangké  
kémawon. Para maos koela atori  
ngéngeti wekdal (ndoenkap) mijos  
Dalem Hyang Paneboes. — A.S.D.)

3. *Paréntah Indonésiah, boten  
keras*. Paréntah Indonésiah inggih  
tjalon ngwontenaken pétangan-djiwa,  
bédjding taoen 1930. Nanging, Parén-

tah ngriki boten ngagem kekerasan  
kados Toerki. Dipoenangkah sageda  
toemindak kalajan saé, willoedjeng,  
mad - sinamadan. Margi makaten  
waoe, kantor volkstelling ngoepados  
rékadaja sageda toedjoe lan preloe-  
nipoen volkstelling dipoenmanger-  
tosi kawoela langkoeng - langkoeng  
kawoela Priboemi. Kantor volkstel-  
ling ngawontenaken propagandah  
bab poenika sarana sosorah-sosorah,  
seseratan ing dalem serat kabar, lss.  
Sedyaning propagandah waoe, soe-  
pados kawoela sasampoena mangre-  
tos, ladjeng poeroen ambijantoe.  
Déné woedjoeding pambijantoe, war-  
ni-warni, kadosta: poeroen mangsoeli  
pitakèn-pitakèn ingkang bédjding  
tjalon katakékaken; poeroen kaang-  
kat dados toekang métang (teller)  
lss. Professor J. van Gelderen ne-  
rangaken kanti tjeta, volkstelling  
waoe boten ateges: Nagari badé  
damel karibedaning kawoela; boten  
nedyah mewahi sasanggèn énggal;  
boten nedyah ngwontenaken pakarjan  
goegoer goenoeng, lss.

4. *Kados-poendi tjalon toemind-  
akipoen??* a. Tanggal 22 September  
1930, wiwit toemapaking periode-  
telling: i. p. sadaja tijang ingkang  
wonten Indonésiah tjalon katjaget  
nama-namanipoen, (mawi katrangan-  
katrangan) wonten ing serat praté-  
lan (tellijst) déning para djoeroe  
métang. Kanggé preloening perio-  
detelling, grija-grija tjalon dipoen-  
nomeri; doesoeng-doesoeng kagolong-  
golong, sagolong-golongnipoen isi  
djiwa kinten-kinten 1200. Salebet-  
ipoen 14 dinten para *periodeteller*  
kedah sampoeng rampoeng anggen-  
ipoen métang bagéjanipoen pijam-  
bak-pijambak. Saben periodeteller,  
angsal bagéjan njatet tijang 1200.

b. Ing gangsal welas dintenipoen,  
sasampoenipoen periodetelling ram-  
poeng, pratélan-pratélan ingkang isi  
namaning tetijang, ladjeng kedah  
katjotjogaken kalijan wontening ti-  
jang ing dinten waoe. Notjogaken  
makaten poenika dipoenwastani  
*momenttelling*. Momenttelling waoe,  
toemindakipoen ing sa-Indonésiah  
kedah sareng, i. p. wiwit djam 5  
sonten doemoegi djam 12 daloe.  
Lan ingkang nindakaken dédé djoe-  
roe métang kala periodetelling; tijang  
sanès, ingkang kanamakaken *mo-  
mentteller*. Saben momentteller sa-  
toenggal anggadhahi bagéjan notjog-  
aken djiwa 300 (dados boten 1200  
kados periodeteller). Tjtjetan djiwa  
damelanipoen periodeteller dipoen-  
tjotjogaken déning momentteller ka-  
lijan grija<sup>2</sup> ingkang sampoeng wonten  
nomeripoen waoe. Manawi, poenapa  
inkang kaseboet ing tjtjetan, taksih  
tjotjog kalijan wontening djiwa ing  
salebeting grija ngrikoe, inggih sam-  
poen. Manawi éwah, (wonten ing-  
kang pindah oetawi dateng énggal)  
tellijst inggih ladjeng kaéwahan.

Mawi lampah makaten waoe, Na-  
gari kagoengan pangadjeng-adjeng  
saged pirsapinten djiwanipoen Indonésiah  
ingkang leres; tegesipoen tjotjog  
kalijan katahing djiwa nalika wek-  
dal momenttelling.

5. *Volkstellingskantoor*. Kanggé  
preloening pétangan-djiwa, ing Be-  
tawi wonten kantor kanamakaken  
Volkstellingskantoor. Kantor waoe  
sampoeng ngwontenaken djadjalan  
wonten papan sawatawis, kanggé  
nanda tjara ingkang tjalon katindak-  
aken taoen 1930 poenika, saé poe-  
napa boten.

Kantor waoe awrat sanget pan-  
damelanipoen. Kedah ngawonten-  
aken lijst-lijst, poenapadéné boe-  
koe-boekoe minangka panoen-  
toenipoen para ingkang gadah  
sasanggèn babagan volkstelling.  
Boekoe waoe, kaserat mawi basa  
toewin aksara warni-warni, ngewrat  
kados-poendi kawadjibanipoen tel-  
ler lss.

Lijst-lijst damelanipoen kantor  
Volkstelling waoe kirang langkoeng  
7 joeta, déné boekoe-boekoenipoen  
pinten-pinten éwoe. Manawi lijst-  
lijst lan boekoe waoe, katoempoek,  
manoet pratélanipoen prof. van  
Gelderen, inggilipoen kirang lang-  
koeng wonten 150 meter. Kedjawi  
poenika, kantor Volkstelling tjalon

ngedalaken kartjis-kartjis kirang  
langkoeng 50 mlijoen, kanggé nja-  
teti katrangan-katrangan gagajoetan  
kalijan satoenggal-toenggaling tijang  
ingkang katjatjahaken djiwanipoen.

Kanggé mranata toewin nindakaken  
angsal-angsalanipoen pamétang, kan-  
tor Volkstelling tjalon nganggé mesin  
ingkang reginipoen éwonan roepijah.

SAGED OEGI BADÉ DADOS  
GENDRA.

Ing serat-serat kabar kawartosaken  
bilih kala tanggal 1 November poe-  
nika, Goepernoer Djéndral Indoestan  
(djadjanan Inggris), i.p. Baron Iwin  
damel proklamatie (dawoeh oemoem)  
njeboetaken bilih Paréntah loehoer  
Inggris badé maringi wewenang  
*dominion* dateng pradja Indoestan.  
Dados tegesipoen Indoestan badé  
angsal mréntah kawoelanipoen ing  
pradja ngrikoe pijambak. Ing serat  
dawoeh waoe katerangaken oegi  
bilih badé toemoenten kawontenaken  
komprènsi ing London, preloe ne-  
tepakèn angger bakoe ingkang badé  
dados dedasaring pepréntahan do-  
minion Indoe waoe.

Sawedalipoen proklamatie waoe,  
golongan nasionalisten Indoe, kaoem  
Suaristen, para politicus, makaten  
oegi sang mahatma Gandhi, sami  
mratélakaken roedjoekipoen dateng  
serat dawoeh waoe! Lan nedyah ngé-  
wahi haloewanipoen non-cooperatie  
dados cooperatie; tegesipoen poe-  
roen njamboet damel kalijan parén-  
tah kanggé perloening katentrem-  
anipoen pradja Hindoestan. Dalasan  
mjonjah Any Basent inggih toemoet  
mbijantoe.

Anggenipoen poeroen mbalik da-  
dos cooperator, sang mahatma Gan-  
dhi waoe mawi pradjangdji, oeger  
dedasaring dominion waoe:

a) politieking pamaréntah kedah  
adedasar karoekoeman oemoem.

b) tetijang ingkang sami karoekoem  
margi politiek, soepados sami ka-  
loerawan.

c) wewenanging swara bangsa  
Hindoe wonten ing konggrès nasi-  
onal (nationaal congres) ingkang sa-  
ben-saben kawontenaken, kedah  
langkoeng katha tinimbang bangsa  
sanès-sanèsipoen.

Dados nitik pradjangdji inggih nggil  
poenika, samangsa paréntah Inggris  
boten najogiani, kaoem non meksa  
dèrèng (boten) saged itjal saking  
pradja Hindoe.

Nanging proklamatie waoe poe-  
napa dipoenaroedjoeki ing sadaja  
golongan (partij) ing tanah Inggris?  
O, boten! Kados sampoeng dados  
panedaning djam, sok wonten  
actie, sang *reactie* inggih ladjeng  
toewoeh kadya djamoe ing mangsa  
rendeng. Tjoba koela atori mirsani  
oreging Indonésiah ngriki, soemaram-  
bahipoen dateng Nederland, rikala  
ramé-raménipoen ngrembag Ind-  
meerderheid wonten ing raad ka-  
woela (volksraad)! Kados-poendi?  
Menggaha perang mekaten rak sam-  
poen-keproek-keproekan popor,  
manawi malah sampoeng roeket ge-  
loet oeleng-oelengan! Nanging ka-  
dadosanipoen kados-poendi? Pra maos  
sampoeng oeninga sadaja. Motie  
katampil!

Makaten oegi ing tanah Inggris  
inggih setali tiga oewang. Golongan  
lawan sanget boten roedjoek da-  
teng wosing proklamatie waoe; sa-  
mi boten narimah ing manah, mas-  
tani bilih Hindoestan dèrèng pantes  
(tjara ngriki: doeroeng mateng, 300  
taoen manèh), nampi wewenang  
dominion.

S. kabar Daily Mail ingkang ageng  
pengaroehipoen, ngombar swara,  
soepados para kaoem Conservatief  
samia toemandang damel, ndoewa  
kadjengipoen paréntah India Inggris,  
amargi jèn sajektos, badé damel  
pakèwed, saha sangsaraning Hin-  
doestan.

Sang nindya Mantri moeka ing  
Inggris, i.p. Mac Donald (golongan  
socialist), margi toewoehing lawan-  
saking partij konsèrpatief, badé  
awrat tetanggalanipoen. Nanging  
boten badé moendoer, lan samangsa

### PAKABARAN SAKING PANGRÈH P.K.W.

Ngadjengaken wiwitaning woelan November poenika pangrèh  
P.K.W. ngintoenaken formulier kanggé jaarverslag dateng K.W.-  
K.W. toewin sampoeng damel wara-wara wonten ing Swara Tama  
ngriki, bilih Pangrèh P.K.W. ngadjeng-adjeng loemebetipoen: a.  
Djangkepung contributie taoen 1929. b. Oesoel-oesoel toewin jaar-  
verslag-ipoen pakempalan-pakempalan ingkang ngajom dateng  
P.K.W. (K.W.-K.W. Roekti-Woeri, Van Lith-fonds toewin Sw.Tm.);  
ananging ing wara-wara ngrikoe kesoepèn boten kapratélakaken,  
bilih KASEP-KASEPIPOEN loemebeting jaarverslag toewin oesoel-  
oesoel waoe kasowoen ing poendating woelan December.

Anggenipoen njoewoen loemebeting jaarverslag toewin oesoel-  
oesoel waoe radi langkoeng awal tinimbang taoen ingkang ka-  
pengker, preloenipoen para K.W. sadèrèngipoen wonten P.K.W.-  
vergadering, sageda ngwontenaken pakempalan kaping kalih: sa-  
pisan kanggé ngrembag pandameling jaarverslag; kaping kalih  
kanggé ngrembag oesoel-oesoel saking K.W. oetawi sanèsipoen  
ingkang kagijaraken wonten ing Swara Tama ngriki.

Pangrèh P.K.W.

proklamatie waoe boten kalampahan,  
trimah sèlèh, . . . . . ! Kabinet  
Inggris kepeksa bibar!!!

Koela namoeng toemoet memoedji  
kelampahanipoen. Lan sageda noe-  
lari dateng tanah kita Indonésia,  
sageda angsal wewenang maréntah  
pijambak kados ing Indoestan.

Moegi-moegi.  
Taklimipoen djoeroe mangsah  
Klenteng P.M.

### LARASATI

PANGGOELA-WENTAH-  
IPOEN BANGSA WANITA.

Para sadèrèk! boten namoeng  
anakipoen kaoem berah toewin tijang  
alit kémawon, ananging wanita loe-  
hoer (hoogere stand) kedah sinaoe  
koewadjibanipoen dados iboe. Sebab  
laré èstri badé ginadang-gadang  
poenapa? Iboe boten badé ngoedang  
anakipoen èstri: „wah bésok dadi  
wong pinter; dadi doctor, advocaat  
oetawa dadi minister, ja, gendoe.“  
O tentoe mboten ingkang makaten  
poenika. Ananging ingkang dipoen-  
adjeng-adjeng sageda keng poetra  
atoet roentoet, saged ngadosi goe-  
roe laki, manggih rahardja, kalis  
ing sambékala. Sebabipoen kok bo-  
ten wanita poenika langkoeng asor  
katimbang prija ing bab beboeden-  
ipoen (verstand), nanging sebab bé-  
da anggenipoen ngetjakaken, toewin  
ratjak boten kedoeigi ndjangka pa-  
sinaon loehoer.

Poenapa paédahipoen wanita pin-  
ter, pinoendjoel ing kawroeh, ana-  
nging badé tjoto ing salebeting grija?  
Sinaoe ilmoé pamisah, ilmoé kéwan  
sasaminipoen, poenapa poenika badé  
katah pigoenanipoen? Tjoba manawi  
saweg satata dahar kakoeng poetri,  
ladjeng kang poetri namoeng ngre-  
ken-ngreken: wah kangmas saiki  
wis ana 1/16 M<sup>3</sup> anggoné dahar  
koolzuur, mèh 5 K.G. anggoné da-  
har eiwit, sasaminipoen; ananging  
manawi ladosanipoen boten semba-  
da, poenapa keng raka badé éja  
anggenipoen dahar koolzuur lan  
eiwit waoe? O moegi prakawis  
poenika kagatosna sadéngah wanita.

2. Wanita ing bédjding badé da-  
dos bijoeng lan moelasara anak.  
Sinten ingkang boten priksa, sepin-  
ten genging prabawanipoen bijoeng  
dateng anakipoen? Prabawa waoe  
kedah tansah lestantoen, malah ka-  
para sageda mindak, sanadjan laré  
sampoeng ageng.

Inggih leres, prija maéwoe-éwoe,  
para winasis toewin doktor-doktor,  
sardjana sasaminipoen, ingkang ka-  
lok kondang ing sadjagad . . . . .  
oepami sang praboe Soelèman . . .  
mesti moendi-moendi, asih tresna,  
bektos sarta ngaosi sanget dateng  
bijoeng (iboe), sanadjan poen bijoeng  
(iboe) waoe boten mantra-mantra  
sami ing kasagedanipoen, malah  
bokmanawi boten wedalan sekola-  
han inggih. Inggih leres anak ing-  
kang saged (Dr. Mr. Ir.) dados  
langkoeng madjeng katimbang bi-  
joeng, awis sanget kénging dipoen-  
leresaken ing bijoeng, sanadjan poen  
bijoeng inggih kaéwokaken tijang

saged. Ananging kawoeninganal ke-  
rep wonten kalanipoen laré, ingkang  
beboeden lan memanahanipoen ka-  
tarik dateng piawon, wasana ngam-  
bah margi kirang prajogi, saged  
ketoeloengan, njandékaken kekadje-  
nganipoen mblasar, manawi poen  
bijoeng boten namoeng wekel lan  
sregep ing panggoela-wentah ké-  
mawon, ananging inggih gadah ka-  
sagedan.

Inggang makaten poenika, mila  
ladjeng dèrèng tjekap, manawi bang-  
sa koela wanita namoeng kawoelan  
ngrenda, njoelami, otjal-otjal kéma-  
won; nanging kosok-wangsoel, pra-  
kawis ingkang sakedik oetawi boten  
migoenani babar pisan, kedah sam-  
poen kawoelanaken. Dados boten  
kirang, boten kladoek, nama tengah-  
tengah, poenika ingkang saé lan  
prajogi.

Ing djam samangké, saking ka-  
taling ilmoé mblasar, ingkang moe-  
roegaken bingoeng lan klintoe ing  
pamawas, samangsa tijang boten  
ngatos-atos, ing djam sapoenika  
kadang koela wanita kedah sami  
asikpek dedamel kanggé nanggoelan  
mengsah adjoelig asikpek dedamel,  
adedasar kekah, ngertos lan ngeng-  
koki kaantepanipoen dados Katoe-  
toelik. Mila dèrèng tjekap, manawi  
namoeng ngertos sakedik dateng  
sarak lan pepatjoehing Agami, na-  
nging poenika sadaja kedah roema-  
soek dateng baloeng soengsoem,  
soepados anggadhahi raos Katoelik  
sadjatos.

A.

### PANGREKSANING WANITA.

Ing samangké ing tanah Djawi  
ngriki golongan wanita katingal ma-  
djeng tandanipoen: sami sekolah,  
sami ngwontenaken pakempalan,  
kongrès lsp. Ingkang kados makaten  
poenika amargi ketoelaran bangsa  
Eropah.

Roemijin laré èstri poenika prasa-  
sat dipoenkoereng, masti kémawon  
ingkang kados makaten poenika ki-  
rang prajogi, djalaran boten saged  
damel megaring boedinipoen, na-  
nging inggih wonten saénipoen, a-  
margi tebih ing sambékala.

Poenapa ing samangké toemrapi-  
poen laré èstri ingkang sekolah,  
toemrapiipoen wanita ingkang njam-  
boet dameling pabrik oetawi ing kan-  
tor, sambékala waoe itjal? O tangèh  
sanget. Toeladanipoen:

Laré èstri ingkang sami sinaoe  
poenika sambékalanipoen wonten  
ing margi asring dipoen-ganggoe ing  
tijang. Wonten ing pamoeangan te-  
gesipoen amargi sinaoe kalijan laré  
djalar poenika ladjeng ngwontenaken  
memitran ingkang kirang prasadja.  
Toemrapiipoen wanita ingkang  
njamboet damel ing pabrik, wonten  
ing pabrik ngrikoe dados reraosan-  
ing tijang djalar, wonten ing margi  
tansaja jèn mantoekipoen sampoeng  
radi peteng, dipoen-ganggoe ing  
tijang. Wanita wonten ing kantor  
oegi makaten.

Tjekak toemrap wanita ing djam  
samangké katah sambékalanipoen.  
Nalika laré èstri taksih dipoen-  
koereng, angèl kéngingipoen di-



poenwèrèk. Sapoenika gampil lan inggih asring kelampahan laré èstri mantoek saking pamoelangan dawah ing pangowasaning wèrèk.

Nitik ingkang kados makaten poenika perloe sanget dipoenwontenaken pangreksaning wanita. Nanging kados-poendi?

1e. Tijang sepoeoh ingkang roemeksa. Tijang sepoeoh ingkang njekolahaken anakipoen èstri ingkang taksih kénging dipoenrèh poenika sampoen goemloewèh. Jèn saged ngeteraken dateng pamoelangan, prajogi dipoentindakaken.

2e. Goeroe ing pamoelangan sadangoenipoen moerid wonten ing koekoebaning pamoelangan wadjib ngreksa. Wonten ing salebeting pamoelangan laré èstri lenggahipoen kapijambakaken kalijan laré djaler. Jèn noedjoe medal dipoenawat-awati, bokmanawi dipoensarengi ing laré djaler. Goeroe kalijan tijang sepoeoh kedah gandèng.

3e. Wanita pijambak angreksaa dateng badanipoen pijambak. Jèn dipoensembranani, tijang ingkang njembranani kasentak.

Wonten ing pabrik sasaged-saged njoeuwen dateng toewanipoen, soepados papanipoen tijang èstri kapijambakaken.

Jèn wangsoel oetawi késah dateng pabrik (toemrap larés ekolah jèn wangsoel oetawi késah dateng pamoelangan) prajogi sesarengan kan-tjanipoen katah. Tijang manawi katabah dados kijat.

Manawi njamboet damel ngantos doemoegi peteng, njoewoena soepados laotet rasi sijang.

4e. Pakempalan wanita kadosta Wanita Katoelik ngrembaga prakawis poenika. Poenika namoeng antjer-antjer. Jèn katindakaken sampoen loemajan.

„Jèn Kober.”

## KOEROE SÉTRA

### NÉTRA MOELAT.

1. *Pastorie* . . . . .

Koela tampi koran „Penaboer” saking salah satoenggaling njonjah Protestant, kinantèn briefkaart. Ing briefkaart waoe wonten seratanipoen „Dr. H. Van Andel. Pastorie Margjoedan Solo.” Koela pitaken poenapa jèn ngaten poenika boten gampil kléntoe kalijan golongan R.K.? Njonjah waoe mangsoeli, boten. Kanggé ndjagi sampoen ngantos sloendoep - sloendoep, manawi kintoen serat dawah Pastoeran, prajogi kaadresaana mawi R.K., dados la djeng R.K. Pastorie.

Leres temboeng Pastoer sami tegesipoen lan dominee. Sinten soemerep, embèn embèn wingking, vrije Katholieke kerk, inggih ladjeng mawi „Pastorie.”

Ngatos - atos saodara, djamanipoen djaman palson, djaman gadoengan.

2. *J. Krisnamurthi mèmper G. Jésoes* . . . . .

Ing serat-serat kabar katah ingkang martosaken jèn béndjing th. 1930; J. Krisnamurthi ingkang kanggep „wereldleeraar” déning sadèrèk golongan Theosophie, badé angedjawi.

Manoet kapitadosanipoen sadèrèk golongan Theosophie (sadaja poenapa boten, Hercules boten patos damang). sang Kalokèng rat J. Krisnamurthi waoe ngèmperi G. Jésoes.

„De Opgang” jeugdorgaan saking golongan Protestant ndébat: „*Trouwens, hoe kan men zeggen, dat hij (J. Krisnamurthi Here) op Jesus gelijkt, op Jesus van wiene persoon we geen werkelijke portres bezitten.*”

Lo, ngono baé sadjaké petentengan, jèn mèmper menggahing wewoedjoedan, genah angèl sanget toemrapi kanjataanipoen, pandébat rasi maton.

Nanging sinten ngertos, mbokmanawi ingkang kakersakaken sadèrèk theosophie waoe, mèmper menggahing soengengipoen poenapa kados-poendi?

Sadèrèk, soegeng Dalem G. Jésoes roemijin, mati-raga sanget. Pandjenenganipoen tindak memoelang, tanpa ngèngeti sajah oetawikados-poendi-kados-poendi. Pandjenenganipoen dipoensepèlèkaken manoesa; Pandjenenganipoen saged metja, damel pangéram-éram katah sanget; G. Jésoes anggènipoen kersa neboes manoesa ngantos linabetan sangsara warni-warni? Ngantos doemoegi sèda kapentang. G. Jésoes kagongan Rasoel, lan Rasoel waoe sasédaning Hjang Pamarta ingkang kapoerih ngladjengaken pakarjan Soetji waoe i. p. ndjembaraken kraton ing Pangéran. Sang Kristoes jasa Pasamoean Soetji, ingkang boten saged risak déning dajaning mengsah, ngantos doemoegi ing béndjing boedjading djaman pisan, lan prakawis sanès-sanèsipoen malih, ingkang pandjenengan temtoe boten kekilapan.

Sapoenika poenapa J. Krisnamurthi ingkang kanggep „wereldleeraar” oetawik paneboesing bangsa ma-

noengsa (manoet pitadosing sad. Theosophie) ngèmperi Sang Kristoes, Sang Pamarta; Sang Paneboes sajektos.

Sadèrèk „W.S.” panjerat ing „Opgang” tjrjos „Krisnamurthi spreek in gewone taal over gewone dingen”, mangka G. Jésoes, temtoe poenapa? ingkang gegajoetan lan prakawis njaèkaken boedining manoesa, gegajoetan lan karahajon langgeng.

Wonten malih ingkang moengel: „Misschien slechts een werktuig in handen van Mevrouw Besant, die op haar ouden dag nog weer de zon wilden verrijzen.” Koela atoeri menggalih pijambak saodara! Koela „pro” lan panginten ingkang kados makaten. Mila pinter, mboeled jektos foelietikiipoen Mevrouw Besant.

Sadèrèk, djaman sampoen sepoeoh. Ingkang ngatos - atos. Krisnamurthi dipoensèmperaken lan Sang Kristoes. Leadbether propaganda agami énggal „Vrije Katholieke Kerk.” La, rak roewet, ta? M. E. Diredja, djagoning kaoem „Adventist” metja: „Jèn kawontenaning agami?, sampoen njelaki lan Katholik, poenika satoenggiling tanda jèn mèh kijamat.”

Badé poenapa? lan kados-poendi malih polahing djagad ndjawi, kita boten badé perdoeli, kita sampoen gadah „Sang Kristoes pijambak, ingkang sanjata, ingkang tansah paring margi ingkang leres dateng kita.”

Hercules.

## V A R I A

### KEKIRANGAN IMAM, KINARJA TEPA PALOEPI.

Ngangse sadèrèk!

Ngangse poenapanipoen? Inggih soemangga ing sakedoegi pandjenengan koela atoeri saja nemeni sampoen ngantos koetjiwa, sampoen ngantos kawon kalijan tijang sanès. Ingkang saged memoelang mangga koela atoeri saja ngepeng; ingkang saged medal ing kalangan serat koela atoeri tjikat-tjiket, tjantjoet tali wanda; ingkang saged dedana mangga sampoen nganggé èwed - pakèwed owel dateng banda, mangga sampoen was soemelang, koela atoeri dedana; déné ingkang roemaos boten saged poensapa-poenapa kedjawi sembahjang inggih mangga koela atoeri nemeni, sampoen goemlèmèng andlèjal— kita kedah sajoek roekoek andjagi djembar lan lestantoening misie! Kita kedah sami ngèngeti ing tembé wingking, boten kénging ngé-tja-étja namoeng dahar lan nendra, kita kedah prihatos!

Ing Sw. T. lan S.K. tansah wonten pari wara saking jejasan Van Lith-Stichting; poenapa pandjenengan sampoen mlebet? Jèn dèrèng mangga koela atoeri énggal loemebet, sampoen nganggé leléwa, semaja! Jèn sampoen soekoer, soeka soekoer ing Allah; ladjeng koela atoeri anggegèdèng sadèrèk ingkang dèrèng mlebet! Jejasan énggal poenika taksih ringkih, tjara taneman ngaten mentas anggènipoen njéklokaken, dados taksih betah pitoeloeng ingkang woe-djoed bae-soekoek, arta lawan arti. Mila mangga sami dipoen-gegesang! Pantjèn saé sèdya lan toedjoenipoen Van Lith-Stichting. Inggih Van Lith-Stichting poenika ingkang tjalon saged badé ngentas kita, saking bebaja ageng ingkang badé doemoegi. Van Lith-Stichting toedjoenipoen ngoedi sageda katah imam priboeimi, soepados ing ngriki sampoen ngantos kekirangan sanget - sanget. Mangga poenika kinarja paloepi petikan saking „De Nieuwe Eeuw,” ingkang akepala Priesternood ing Frankrijk. Ing tanah Parangakik poenika wonten 87 kabiskopan. Inggih boten ing saben kabiskopan, kekirangan imam; nanging radin-radin sami kekirangan. Ing Kabiskopan Nizza, poenika djembar sanget; mitoeroet statistik 1928 tijangipoen Katholik sadaja 435.253 ing salebeting 222 parochies. Parochie 222 waoe ingkang 142 namoeng gadah imam *njatoenggag*. — lan ingkang *woloeng dasa* parochie, isi tijang Kath. antawisipoen 500—1000— *tanpa pangèn!* Wah, mesakaken sanget! Ing parochie kita ingkang isi tijang 10.000; 15.000 oetawi 20.000, namoeng wonten imamipoen katah-katahipoen *tiga*; ingkang temtoe *kalih*. Tjebi sadèrèk koela atoeri menggalih, tanah woetah rah - kita poenapa boten saged manggih lelampahan kados makaten poenika? O, saged! Kanti sanget, saja malih jèn ningali actie Indonesia temtoe boten ngantos atoesan taoen!

Kados-poendi djalaranipoen kok ngantos kekirangan imam makaten? Makaten sadèrèk! Sadèrèngipoen taoen 1914 sampoen sakedik tjatjahing imam énggal, langkoeng-langkoeng salebaripoen perang donja gesangipoen para imam rekaos sanget. Ngrikan-griki awis teda, sami kémawon. Ingkang makaten poenika temtoe kémawon ingkang soemerep temtoe..... lan sanadjan tijang Katholik pijam-

bak jèn dipoentarsi anakipoen badé dados imam tamtoe inggih katah boten angsalipoen. Doemoegi samanten kados sampoen keplok sami kalijan kawontenan ing tanah Djawi ngriki. Ingkang saged mbéngkas rered poenika kadjawi Van Lith-Stichting boten wonten. Angger Van Lith-Stichting lema, priesterfonds oegi lema, boten badé damel was soemelang; studiefonds oegi santosa saged damel tijang wasis pinten-pinten.

Kadjawi poenika taksih wonten sebabipoen malih, inggih poenika: Ing kabiskopan Nizza waoe ingkang sapratiganipoen tijang Kath. poenika tijang mantja (tijang Kath. 435.253, poenika ingkang tijang Prasman 294.605 tijangipoen mantja 140.648). Tijang mantja poenika tamtoe boten patos anggagas wontenipoen pastoor, sarta anak-anakipoen tamtoe boten sami malebet dateng Semenarie Fransch. Sapoenika tjonto poenika katjoendoe kana kalijan kawontenan ing ngriki. Sinten ingkang kedah sami ngrembag betah kita poenika? Kita pijambak!

Ing wasana atoer koela dateng para moeda Katholik soemangga sami ngangseg, ngadjengaken bangsa kita. Para sadèrèk Kath. soemangga sami saijeg roekoek nggegagang Van Lith-Stichting!

Sri Taman 29-11-1929.  
SOE — TÈDJA.

## SARAITA LAN TOGOG.

Saraita. Koela noewoen . . . . .  
Togog. Sinten . . . . . ?  
S. Koela . . . . . koela Saraita.  
T. Lo . . . . . Saraita; kok ndjanoergoenoeng temen, gelem mréné. Ana preloené apa?  
S. Ora kok ming dolan baé. Akoe wis kangen banget kok menjang kowé.  
T. Sokoer ta jèn ngono. Kéné omong-omongan. Gilo, akoe tanpa koran anjar. Kowé wis matja apa Ta?

## VAN LITH STICHTING

### POENAPA

woelan poenika  
pandjenengan sampoen  
maringi  
oetawik ngintoenaken  
contributie  
kanggé  
Van Lith Stichting

?

Penningmeester V. L. S.  
p/a 2e. Convict  
Moentilan N. I. S.

S. Koran apa kang? Swara Tama pa?  
T. Hija!  
S. O, oewis baé. Malah S. Katholiek, De Koerier barang ja matja.  
T. Jah, bok adja sok oemoek, ora apik. Dak kowé ja sok matja enggon advertentie barang . . . ? Hara, tak bedé rak ora!  
S. Hik, hik, hie . . . . . bener kang pembedemoe. Akoe pantjèn ora taoe matja nggon advertentie.  
T. O, lawong kowé! Iki diwatja!  
S. „Soemangga sami ngabaraken ing Swara-Tama!”  
T. Hara ta, nèk ngono ki prijè? nDak kowé ja sok mbantoe (ngarang) ana ing Swara Tama?  
S. Ora kang; wong akoe ora bisa kok.  
T. O, kowé apa-apa ora bisa. Ana goeroe missie djaré ora gelem ngarang. Pantjèné rak koedoe ngloewihi goeroe Goeperménan. Ngreti?  
S. Ajah, géné kantja - kantja lijané ja ora, ajol  
T. Lo, kok kantjané dipikir. Sing preloe rak awaké déwé. Apa nèk kantjané ana sing kesèd ki ja 'ndjoer miloe ngesèd, ngono pa?  
S. Ja ora ta? Witikna pijé wong ora bisa.  
T. Mangsa, ana barang ora bisa. Apa kowé kroengoe tetemboengan: „Waar een wil is, is er ook een weg.” \*)  
S. Wadoeh . . . . . oemoek!  
T. Ja ora oemoek. Tjoba, oepamané rama Redacteur paring pitoeloengan marang awakkoek, nganti . . . . .  
S. Jah nganti apa . . . . .  
T. Lha, rak njela-njela; wong doeroeng rampoeng kok djeboel.  
S. Ja ta wis ja; akoe sing loepoet. Mara teroesna!  
T. Akoe nganti klakon dadi goeroe missie, wah . . . . . gelem baé akoe mbantoe rama redactie.

\*) Waton nijat, ana kregkat.

## RAK MAKATEN TA! SINTEN NOETOETI???

Manoet statistik djagad samangké wonten tijangipoen 1736 joeta, malah kapara langkoeng. Déné ingkang Katoelik wonten 305 joeta oetawi 17.67%.

Tetandinganipoen saben tijang Katoelik 100 ing:

Éropah wonten 140 boten Katoelik;  
Asiah wonten 6400 boten Katoelik;  
Afrikah wonten 3300 boten Katoelik;  
Amérikah wonten 130 boten Katoelik;  
Australiah wonten 200 boten Katoelik;

Ningali makaten poenika djagad nama dèrèng Katoelik, langkoeng-langkoeng boewana Asiah, ingkang tijangipoen sapalihipoen tijang sadjagad sadaja.

Ing Éropah ingkang Katoelik wonten 41,50%.

Ing Australiah ingkang Katoelik wonten 47%.

Ing Amérikah ingkang Katoelik wonten 43,8%.

Ing Afrikah boten langkoeng saking 3%.

Ing Asiah namoeng wonten 1½%.

Indonésiah ngriki tijangipoen wonten 52 joeta, ingkang 50½ joeta tijang priboeimi; ingkang Katoelik sadaja wonten 290.000, tijang priboeimi wonten 210.000.

Ing Afrikah Imam satoenggag gadah bebahan njepeng tijang Katoelik 400, boten Katoelik 82.000; Oceaniah Imam satoenggag kanggé tijang Katoelik 400, boten Katoelik 110.000. Djepang Imam satoenggag ngreksa tijang Katoelik 880, boten Katoelik 180.000. India Tengah Imam satoenggag tijang Katoelik 860, boten Katoelik 100.000.

Mila soemangga sadèrèk sami tjantjoet tali wanda, atetoeloeng bae soekoe kanggé tanah kita Indonésiah, sampoen ngantos kantoen kalijan sadèrèk kita ing mantja pradja anggènipoen ngadjengaken bangsanipoen.

\*\*

Gegajoetan kalijan nginggil soemangga ngémba lelampahan ingkang nembé mangké kelampahan ing Braziliè. Ing Braziliè ngrikoek katah tijang saking Djepang; anggènipoen manggèn ing ngrikoek sampoen wonten kalih dasa taoenan kapengker. Nanging saweg wiwit taoen 1926 katingal ombjaking tijang waoe dateng Agami Katoelik. Moela boekanipoen kados-poendi? Oepami wit makaten alit sanget, ananging ingkang wohipoen mbijet ngemohi.

Anoedjoe satoenggiling dinten wonten laré èstri sowan ing ngarsanipoen Pastoer matoer poenapa kalilan ngadjak mitranipoen dateng woelangan. Sareng dipoenngandi-

kani kalilan, laré matoer: „nanging poenika laré dèrèng kabaptis, Rama, malah mireng Agami Katoelik kémawon prasast dèrèng naté; poenapa kalilan?” Ija kena, wangsoelanipoen Pastoer. Wiwit poenika saben Ngahad laré èstri waoe ngirit mitranipoen alit-alit tjatjahipoen wonten 14 djaler èstri dateng Gré-dja perloe woelangan. Laré waoe djeboel laré Djepang anakipoen tijang Djepang ingkang manggèn ing ngrikoek. Saja dangoe boten namoeng laré kémawon ingkang ndèrèk, nanging tijang sepoehipoen inggih katarik. Wasana ing sapoenikanipoen ing Braziliè sampoen wonten tijang Djepang 777 ingkang Katoelik. Ing sarèhning laré - laré waoe kedah sekolah, mila ing ngrikoek ladjeng dipoendegi sekolahan kanggé laré Djepang; malah sapoenika sampoen wonten internaat, kanamakaken internaat Santo Franciscus-Xaverius.

Poenika sadèrèk dados toelada kita. Kados-poendi, mangka kita boten poeroen kantoen ta; mila soemangga ngangseg.

\*\*

Soemangga sampoen owel ngoerbanaken bae soekoe; soemangga ngenggèni sama rata sama rasa saèstoe, sampoen namoeng doemoenoeng wonten ing sastra kémawon kados pradja ing Roelsan. Sadèrèngipoen sama rata sama rasa, nanging sareng doemoegi ing ngendon mikan-toeki badanipoen pijambak. Toemrap bangsa Bolsjewiek kaantepan kita poenika satoenggiling pès, ratjoen ing poeradjana, kawastanan oepasing bangsa. Mila sampoen lajak kémawon, manawi anggoesah para ingkang mahjakaken kanjataaning Pangéran. Katah sanget para Imam lan para loehoer sanèsipoen, dalasan para siswa kémawon boten kalis ing pangoeja-oedianipoen sang Bolsjewiek. Sadaja ingkang kakinten ngribedi temtoe dipoenlèmpar, dipoensantoeni èblis laknat. Pradja ingkang kalebetan makaten poenika, manggih risak; sebab ing ngrikoek tindakipoen pangageng ladjeng awatak koemloengkoeng, moerka lan ngangsang-angsa, dak menang boten adrih ngoetahaken rahing sanès. Poenapa poenika nama ngajomi para ringkih? melasi para sangsara kesrakat? Poenapa poenika sama rata sama rasa saèstoe? Ingkang njepeng pangowaos tindakipoen sawenangwenang, boten ngemoek katresnanipoen? Tegelan dateng sesami, boten perdoelèn dateng para nandang papa, sama rata sama rasa?

Mesakaken donja makaten poenika; mila kadjagat ing ngriki sampoen ngantos klebetan ama makaten poenika. Noewoen

Poen X.

## OPVOEDING.

### BEBOEKA.

Manawi laré angsal didikan saé, tamtoe adamel begdjanipoen tijang katah, adamel kaoentoenganipoen oemoem poenika sampoen terang. Ing babagan noentoen laré mila boten alit oetawik èntèng sasanggènipoen goeroe. Mila inggih sampoen samestiniipoen manawi goeroe ngakeni dipoenpitados tijang sepoeoh, dipoenpitados oemoem, malah dipoen pitados negari, sagah moelangmoeroek nenoentoen laré soepados sami manggih rahadjeng.

Goeroe dados soesoelihipoen tijang sepoeoh dipoenpasrahi; laré dasanan, pinitados moerba-misèsa, midjèni ingkang preloe-preloe. Tijang-tijang sami gadah pangadjengadjeng, soepados laré-laré sami dados tijang, liripoen sami migoenani ing ngakatah. Poenapa boten tjeta manawi saéning pakarjanipoen goeroe poenika adamel mindaking saénipoen kawontenan? Sampoen samestiniipoen saéning kawontenan, laré-laré sami dados tijang ingkang

tembénipoen migoenani ngakatah dados pamanahan. Rèhning prakawis poenika dados manah, mila prajogi sami ngèmoeti srana-srana oetawik pamboedidaja kanggé angga-joe ingkang dados gagasan waoe.

Samangké mangsoeli angginem ing poendi doedoek-sèlèhing goeroe. Mila boten kléntoe manawi tijang mastani, bilih goeroe poenika piniidji ing Goesti Allah dados pannoentoening laré, moelang moeroek nedahaken ingkang leres lan ingkang njata, boten namoeng dateng laré satoenggag kalih, ananging dateng laré sasekolahan. Boten namoeng setaen kalih taoen, ananging dasanan taoen. Saben taoen samangsanipoen wonten laré késah, tamtoe wonten laré dateng. Saja katah larénipoen, inggih saja ageng tetanggèlanipoen.

Boten kléntoe manawi goeroe poenika dipoen wastani sesoelihipoen tijang sepoeoh, awit kedah njolehi anggoela-wentah laré, ngleresaken ingkang bèngkong lan ngaloesaken ingkang kasar. Saja moenggoeh sanget samangsa goeroe poenika ngoedi, soepados gadah ambeging bapa, andjagi leres-leres dateng laré, lan kadoenoengan katresnaning bijoeng, roemengkoeh dateng moerid.

Nagari andjagèkaken, wontenipoen moerid - moerid ing béndjing sami ngoerbanaken pikiran lan rekaos moerih wiloedjenging oemoem, andjagèkaken wontenipoen tijang nalar gesang kanti tentrem.

Nitik ingkang kados makaten waoe sampoen samestiniipoen goeroe amboedi-daja sasaged - sagedipoen, soepados sadaja-sadaja sami boten ketjelijk sarta migoenakaken angsal-angsalipoen pangoeidinipoen tijang sanès moerih pandjangkaning nagari, ngakatah, tijang sepoeoh saged kadoemoegèn, sarta adamel maremipoen ingkang nindakaken pijambak.

Klatèn 1 September 1929.  
S. Bratadarsana.



# O E R A P - S A R I

## K A B A R K A T H O L I E K .

### Toewan Schmutzer.

Pandjenenganipoen Ir. J. Schmutzer administrateur pabrik gendis Gondang Lipoera, kapatedan seseboetan Ridder in de Orde van St. Gregorius déning Pasamoean Soetji. Kanoegrahan ingkang semanten poenika sampoen saleresipoen, djer pandjenenganipoen pantjen katah lelabetanipoen dateng golongan Katholik.

Katjarjos, sadèrèkipoen djaler toewan Schmutzer kaseboet ingkang dedalem wonten Bogor, i.p. Ir. J. I. J. M. Schmutzer warga Raad Kawoela, pangarsa I.K.P., winisoeda dados maha goeroe bab kawroeh pelikan lss. wonten pamoelangan loehoer ing Utrecht.

Dawahing kabegdjan dateng sadèrèk kalih waoe kénging kawastanan kados semajan déning namoeng kaot sadinten kalih dinten.

Serat kabar A.I.D. saged njarijosaken soegengipoen prof. Ir. Schmutzer ing Bogor, kados ing ngandap poenika:

Pandjenenganipoen mijos wonten Weenen kala 11 November 1882; sakolah pamoelangan andap Broederschool ing Soerabaja, sarta poetoes sakolahan H.B.S. ing Soerabaja oegi. Wiwit taon 1899—1910 pandjenenganipoen sinaoe wonten polytechnische school ing Delft, ladjeng dateng Parijs, wasana sinaoe wonten pamoelangan loehoer ing Utrecht.

Kala taon 1904, toewan Schmutzer pikantoe diploma insinjoer pamelikan wonten Delft; Taon 1910 oegi wonten Delft ngrikoe pikantoe seseboetan doktor ing bab kawroeh technis. Bakda poenika ladjeng dados goeroe ngèlmoe minera-logie toewin geologie wonten Utrecht.

Woelan Djoeli 1912 pandjenenganipoen dateng Indija anjarengi geologische studiereis. Boten let dangoe njamboet damel wonten pabrik rosan, lan kala 1 Januari 1917 kawisoeda dados plaatsvervangend lid wonten toko E. Moorman & Co, ing Soerabaja. Taon 1918, ngrangkep ngasta procuratiehouder - ipoen Coster van Voorhoud & Co. Nanging ing akiring taon 1918, ladjeng anjèlèhaken sadaja pandamelan, margi dados warga Raad Kawoela.

Tindakipoen toewan Schmutzer toemrap gotrah Katholik langkoenglangkoeng pakempalan I.K.P., nama kètlajan ageng-agengan.

Dateng prijanloen kekalih kaseboet ing nginggil waoe, Sw. T. ngatoeraken kasoegegan.

### Prajagoeng Mexico sowan dateng Roem.

Salebetipoen woelan Oct. kapengker ngarsa dalem I. S. Kg. S. Rama nampi pisowanipoen prajagoeng Mexico Manuel Echeverria. Echeverria, katah sanget lelabetanipoen dateng Pasamoean Soetji, déning saged andjalari roekoeripoen nagari Mexico kalijan Pasamoean Katholik. Sampéjan dalem soeka panarimah ageng dateng pradioeriting Pasamoean Soetji ingkang sanget prawira waoe. Manuel Echeverria kaparingan pangèngèngèng woedjoed potrèt, poenapadéné barang édi-édi kanggé sémah toewin anak-anakipoen.

### Tijang soedjarah.

Ngarsa dalem Nata Roem mentas nampèni pisowanipoen poetra-poetra ingkang sami soedjarah dateng Kita Soetji, i. p. tijang saking Oostenrijk 400, warganing satoenggiling congregatie 150, tetijang Katholik saking kabiskopan Gaeta 300, saking Vincenza 600, saking Sora 450, tijang saking Zwitserland 200.

Kadjawu poenika, inggih nampi pisowanipoen wakiling Pakempalan Wanita Katholik ing Parangakik tjatjahipoen 650 (- Franche Katholiek Vrouwenbond anggadahi warga 1.300.000 -), poenapadéné warganing pakempalan Kenja Katholik ing Belgi tjatjahipoen 500.

Nalika pisowanipoen warganing pakempalan Kenja Katholik ing

Belgi waoe, Sampéjan dalem angandikakaken bilih: „...actie Katholik makaten perang soetji ingkang tjalon oenggoel ing joeda. Nanging sadèrèngipoen tijang djoemangkah nedya adamel soetjining sanès, langkoeng roemijin kedah saged ngerèh, ngawonaken, poenapadéné noetjèkaken badanipoen pijambak. Tanpa perang boten badé oenggoel ing joeda; lan boten badé wonten perang kok tanpa pepalang. Pranatan toewin pambangoen toeroet poenika ingkang badé andjalari oenggoeling perang ....”

### Kanggé mèngeti bedamènipoen Itali kalijan Vatikan.

Ing Roem wonten panitya badé mandjeri dijan pandjeran (eeuwige lamp) wonten salebeting Grédja Fransiscus ing Thabor. Dijan pandjeran waoe minangka pangèngèngèng bedamènipoen Vatikan kalijan Itali, sarta badé dipoènsièni mawilisah djaétoen ingkang sampoen sinoetjèkaken, wedalan patamanan djaétoen Gethsemane.

Ingkang damel dijanipoen satoenggiling ngoelama misoewoer ahli kagoenan.

### I. S. Kg. S. Rama kalijan para nénéman.

Nalika Sampéjan dalem ngandikakani para Moeda Katholik Itali, mawilis ngandikakaken bab tataran-tataraning martir, saha andjèdjèraken martir erah kalijan martir netepi kawadajiban padintenan. Ngarsa dalem moendoet soepados para nénéman Katholik dados martiring kawadajiban. Moeda Katholik boten kaparengaken mamang kalijan Ingkang Maha Koewasa toewin badanipoen pijambak.

### Actie Katholik ing Djepang.

Ing Djepang sisih Kidoel wonten pamelikan areng sèla ageng. Tijang ingkang beberah wonten ngrikoe sangang atosan. Balandjanipoen sakedik. Tijang berah semanten waoe ingkang Katholik 180. Nanging ing ngrikoe boten wonten Grédja. Kaom berah Katholik ladjeng sami ngedegaken pakempalan. Kantjanipoen ingkang katingal radi saged kapilih dados goeroe-agama. Arta oeroenan ingkang kaklempakaken wonten pakempalan, kanggé toembas grija ageng. Grija waoe kadadosaken Kapèl. Pendak Ngahad, lan sawoelan kaping sakawan manawi pinoedjoe angsal ngaso, gotrah Katholik sami ngalempak wonten Kapèl sembahjang, poenapadéné matengaken kawrohipoen Agami.

Manawi kalamangsa kaom berah waoe sami sambat ngrekaosing pandamelanipoen, ladjeng kèngetan manawi dados kaom berah dalem Pangéran, wasana ladjeng netepi wadjibing Katholik kalajan temen-temen. Kadjawu poenika, boten sami kasoepeèn mentjaraken Agama Katholik dateng kanta-kantjanipoen ingkang dèrèng Katholik.

Katjarjos, warganing pakempalan waoe saben woelan teroes taksih nglempakaken arta. Boten dangoe ing papan ngrikoe mesti ladjeng wonten grédjanipoen.

Pantes sinoedarsana!

### Actie Katholik ing Apost. Prefectuur Bengkoelen.

Sapéranganing grija sakit Katholik ing Tandjong Sakti kala woelan kapengker sampoen kabikak. Prijantoen-prijantoen katah ingkang andjenengi.

Tanggal 21 Désèmber, grija sakit waoe tjalon kaimbetan Zuster-zuster malih saking nagari Walandi.

\*\*\*

Kala 17 November ing Lahat anoetjèkaken Grédja. Adegung Grédja waoe kénging kawastanan saking dajanipoen gotrah Katholik ing ngrikoe pijambak. Awit, kadjawu sami ngawontenaken arta, inggih sami toemandang oeroen baow soekoe.

\*\*\*

ngrembag oesoel-oesoel dateng konggrès toewin dateng tjabang pijambak.

### Pakempalan Siswa Katholik.

Pakempalan Siswa Katholik Ngajogyakarta, mbéndjing éndjing sonten djam pitoe (malem Ngahad) badé mèngeti sataoenipoen, manggèn wonten grija K. S. B. Kota Baroe, mawilis lèlengan tonil, lss.

### Rekès bab apjoen.

Déli Crt. njarijosaken tetijang Ti-onghoa ing Soematra Pasisir Wétan

ngawontenaken panitya kapoerih rekès dateng panitya apjoen gadahanipoen Volkenbond, neda soepados angitjali pamedal toewin padagangan tjandoe. Manawi saged, salebetipoen tigang taon. Panitya waoe oegi kapoerih rekès dateng Paréntah Indija njoewoen soepados Nagari ngawontenaken grija sakit ageng kanggé mantoenaken tetijang ingkang sami madat.

### Koemisi padagangan Amèrikah.

Soematra Pasisir Wétan mentas katamoewan Koemisi padagangan Amèrikah.

Koemisi waoe dipoenpangageng prof. Crocheron lan warganing Departement Padagangan ing Amèrikah. Déné sedyanipoen badé ngadjenaken lebeteng woh-wohan wedalan Amèrikah.

Bakda saking Soematra, koemisi ngladjengaken lampah dateng Malakah. (Déli Crt.)

### Serat kabar.

Saking pamboedidajanipoen pènsijoenan djeksa ing Samarinda sadèrèk Anang Atjih, saged ngedegaken kongsi mawi pawitan f 25.000. Kongsi waoe sedyanipoen badé damel pangetjapan sarta ngedalaken serat kabar wonten Bandjarmasin. Wedaling serat kabar, mbéndjing Djanoewari ngadjeng poenika, kawedalikan saminggoe kaping tiga.

### Pagantosan énggal.

Katjarjos, Nagari badé ambikak grija pagantosan énggal salawé wonten ing: Bandarsidajoe (Pekalongan), Sitangal (Tegal), Setjang, Ngraoe, Soegihwaras (Bodjanegara), Deksa (Ngajogya), Djatirana (Soerakarta), Pangkalpinang, Belinjo, Muntok, Soengailiat Toboali (Bangka) Tandjoengpandan, Manggar, Gantoeng (Blitoeng) Tandjoengpinang, Tandjoengbalakrimoen, Samboe, (Tandjoengpinang), Pontianak, Singkawang, Sambas, Mampawah, Lamoloe, Maroedoe, (Pidi) toewin Serbalawan (Simaloengoen).

### Ngasonipoen poenggawa pagantosan.

Dawoeh saking pangageng pagantosan, pranatan poenggawa pagantosan kénging ngaso satengah edjam wiwit djam 11 doemoegi 11.30 poenika toemindakipoen adamel ribedipoen para angantosaken ingkang kasesa. Margi makaten waoe, pranatan ngaso satengah edjam poenika, samangké kasoewak.

Blandjanipoen pangageng distrik. Blandjanipoen pangageng distrik ing tanah Soematra Kilèn ingkang dèrèng sami kalijan bajariipoen pangageng distrik ing tanah Djawi, badé toemoenten katata malih.

### Kongsi-kongsi énggal.

Naamlooze Vennootschap Drukkers en Uitgevers Maatschappij Borneo, ing Pontianak, pawitanipoen f 30.000 kabagé-bagé dados 600 aandeel à f 50.

Naamlooze Vennootschap Electriche Drukkerij en Boekhandel Chung Hua Koedoes, pawitanipoen f 50.000 kabagé dados 500 aandeel regi à f 50.

### Katahipoen tijang minggah kadji.

Ing taon poenika tjatjahipoen tijang minggah kadji kirang-langkoeng wonten 28.000.

### R.A.A. Nitinagara. †

R. A. A. Nitinagara Boepati Prabalanga, kala 27 November djam kalih daloe, kapoendoet Ingkang Maha Koewasa, margi hartkwaal. Para maos mesti sami kèngetan, swargi ingkang Boepati Prabalanga poenika Boepati modern, ingkang miwiti njebar sirkoelèr ngitjali dodok toewin sembah.

### Conferentie Arbeidsinspectie.

Ing Betawi mentas wonten saraséjanipoen wakil-wakil ing pakempalan onderneming kalijan Arbeidsinspectie, ngrembag soepados Arbeidsinspectie ngéwahi tjaranipoen paniti priksa.

Conferentie waoe anetepaken: wekdaling paniti priksa badé kasoeperaken langkoeng roemijin, kados waoe-waoenipoen. Nanging manawi wonten onderneming ingkang dipoenmanah boten saé, datengipoen arbeidsinspectie boten mawilis soeka soemerep langkoeng roemijin.

Para administrateur manawi ngleresi inspectie kedah andjagi soepados toemindaking inspectie saged kalajan rantjag, toer inggih sageda lalajanan kalijan sadaja koeli.

Conferentie anetepaken: pendak nem woelan sapisan ngawontenaken moesawaratan makaten poenika.

### Grija séwan Soerakarta.

Nagari Soerakarta badé ngadani panggaotan njéwakaken grija, kanti paséwan mirah. Anggènipoen jasa watawis soewidak woewoeng. (Sedyatama).

## ONTJÈN SEKAR GAMBIR MELATI.

### PANGAJOMAN TOEMRAP BRAJAT.

(Gandèng kalijan Volksraadprogramipoen I.K.P. kanggé taon 1931-1935.)

— o —

### ROEMEKSANIPOEN ROEM.

### WANITA KATHOLIEK KEDAH TOEMOET TOEMANDANG.

— o —

### III. (telas).

Koela sampoen sami soemerep wedjangan Moderisme toemrap idjab. Koela oegi sami mangretos wawaton Katholik toemrap prija-wanita. Ngalam donja wonten djagad kalih: djagadipoen para njingkoer Pangéran, kalijan djagadipoen para ngawoela Allah. Para poetraning Padang sami ngoewoeh: „Ngalam donja iki omah peparang Dalem Pangéran, minangka kanggo koekloempok bisané olèh kamoeljan langgeng ana ing ngakérat. Déné anakipoen pepeteng sami pating brengek: „Allah ora ana; akérat ija ora ana!”

Anggènipoen „njélaki wontening Allah, njélaki wontening ngakérat” noewoehaken modèl énggal pinten-pinten: vrije liefde, Neo-Maltusianisme lss. ingkang wohipoen boten wonten sanès kadjawu ambibrah kasoesilaning prija-wanita; nglorodaken daradjading manoengsa.

Nanging, .... Roem tansah moelad! Roem ingkang roemeksa karahardjangan boemi boten kendat anggènipoen merangi wedjanganipoen para anak ing pepeteng.

Poenapa Sampéjan dalem Ingkang Sinoehoen Gregorius XVI boten mangsah joeda maprali ngèlmoe „bandeloose vrijheid?”

Poenapa ngarsa dalem Sri Nata Pandita Pius IX boten merangi gagajoean revolutionair??

Poenapa ngarsa dalem Leo XIII boten merangi wedjangan liberaal??? Poenapa Sampéjan dalem Kg. S. Rama Pius X boten merangi édanipoen modernisme???

Roem tansah roemeksa! Sanadyan warni-warni tjaranipoen, béda-béda kala mangsanipoen, nanging sadaja satoenggal ingkang ginajoeh, i. p. ngleboer para anakipoen pepeteng.

Doemoeginipoen Wawakil Dalem ingkang djoemeneng sapoenika, i.p. Sampéjan dalem Pius XI, inggih boten kasoepeèn neroesaken joedanipoen Wawakil Dalem ingkang roemijin-roemijin. Wonten ing nawala „Ubi arcano” Sampéjan dalem ngandikakaken: ageng-agenging kasangsan ngèngingi donja kalebet oegi bobroking brajat. „... Loewih nje-dihaké manèh déné piala koewi maoe toemama marang brajat kang dadi bakoening tetalesing maatschappij. Widjining pegatan woes kasebar bijen-bijen, loewih-loewih dèk djaman perang. Widji maoe ngojod nalikané wong-wong lanang soemngkir saka ngomah; marga kasoesilan saja moendak-moendak bobroké; apadéné marga kamardikan kang ora patrap toemrap kasoesilan saja banget. Lan marga mangkono maoe, kerep baé ana anak ora ngerti bapa, sedoeleor sesatron pada sedoeleor, bendara moemoengsoehan karo batoer, batoer karo bendara. ...” (Nawala dalem Pius XI: 23 Dec. 1922). Margi makaten waoe, Sampéjan dalem moendoet soepados para poetraning Pasamoean Soetji, sadaja pakempalan ingkang ngèsti „Actie Katholik” sami toemandang mangsah perang kanggé preloening Altaar toewin Grija, kanggé preloening Pasamoean toewin Brajat.

\*\*\*

Para prijantoen! Sanadyan atoe koela boten andjalimet, nanging doemoegi samanten kéwawon pandjenengan sampoen saged ngoengkabi ingkang andjalari ing salebeting djagad Katholik wonten temboeng: „Pangajoman toemrap brajat”.

Lan, nitik dawoeh dalem Kg. S. Rama Pius XI kaseboet nginggil, (poenapadéné dawoeh-dawoeh dalem para Nata Vatikan ingkang roemijin-roemijin) pandjenengan inggih boten goemoen déné I.K.P. damel program angajomi brajat.

Manawi Roem toemandang angajomi brajat, poenika kita para wadyabala Roem, dalah pakempalan kita, inggih kedah toemoet toemandang!

\*\*\*

Rembag „Pangajoman toemrap brajat” poenika mesti inggih wonten sasambetanipoen kalijan rembag wanita dalah pakempalanipoen. Djer, sampoen tètela terang, wanita (bi-joeng) makaten wonten salebeting brajat kalebet factor ingkang wigati.

Gagasan modèl énggal bab kempaling prija-wanita, poenika temenipoen angrèmèhaken daradjading wanita. Ngèngeti anggènipoen dados tijang ngèngeti anggènipoen dados warganing maatschappij, ngèngeti anggènipoen dados Katholik, soemerep kawontenan „idjab saka-rep-karep” poenika, para wanita Katholik saestoe kedah prihatos manahipoen. Kedah anandangi sageda kawontenan makaten waoe itjal.

Pakempalan „Wanita Katholik” temtoe boten kekilapan dateng sedya koela. Mila, mangga tandang pandjenengan dateng laladan prakawis waoe pandjenengan srempeng, langkoeng tinimbang K.W. lss.

Katjarjos, pakempalan-pakemlani-poen sadèrèk wanita Katholik ing Kilèn, kala taon 1910, rikala djoemeneng dalem I. S. Kg. S. Rama Pius X sampoen sami manoenggil, andadosaken saja kijating dajanipoen Poesaraning pakempalan waoe kala taon 1925 ngawontenaken konggrès wonten Roem, ngrembag prakawis „Pangajoman toemrap brajat”. Saben sonten ngarsa dalem moendoet palapoeran poenapa-poenapa ingkang kapoetoes wonten salebeting konggrès. Malah sampéjan dalem najogyani sanget gagajoehanipoen konggrès gangsal warni kaseboet ing ngandap poenika:

1. Saben laré Katholik sageda mlebet wonten sakolahan Katholik.
2. Amerangi poenapa-poenapa ingkang ngrisakaken kasoesilan.
3. Anggolongaken para kenja Katholik.
4. Bab pakarjaning wanita.
5. Njinaoni para wanita Katholik dateng prakawis politik. (Politieke scholing van de Katholiek vrouw).

Ing taon 1928, Poesaraning pakempalan wanita Katholik waoe inggih ngawontenaken konggrès malih, manggèn ing Den Haag anrembag: „Andjoendjoeng kasoesilaning brajat” ....

Ing ngriki ladjeng tètela prakawis angajomi brajat sanget dados pamanahanipoen pakempalan Wanita Katholik ing Éropah. Moegi-moegi tjonto ing nginggil anggoegah panggalihipoen wanita Katholik Indonesijah ingkang sami manoenggil wonten salebeting pakempalan Wanita Katholik.

\*\*\*

Katjarjos ing Nederland sampoen katah pakempalan-pakempalan Katholik ingkang nandangi rembag „Pangajoman dateng brajat”. Kala woelan Agoestoes, nagari Walandi wonten conferentie internasional ingkang kaping kalih angrembag prakawis Gesang toewin Brajat. Moesawaratan waoe najogyani poenapa ingkang dados actienipoen pakempalan Katholik ing Sepanjol bab angajomi brajat i. p.

1. Ngangkah soepados tetijang sami angakeni saestoe bilih kasoesilan ingkang andjoendjoeng daradjading kaloehoeran poenapadéné wewenangipoen wanita, poenika saestoe gagajoean kalijan saéning gesang wonten salebeting brajat.
2. Ngangkah soepados tetijang sepoeh anggadahi sadaja wewenang dateng anakipoen, langkoeng-langkoeng ingkang gagajoean kalijan panggoela-wentah.
3. Ngangkah soepados tetijang sami angakeni bilih sadaja rembagipoen gesang sasarengan poenika inggih anggèngi gesangipoen tijang wonten salebeting brajat. .... enz. .... enz (zie verslag Tweede Internationale Conferentie voor het Leven en het Gezin, De Tijd 29 Aug. '29). Moegi toelada ing nginggil poenika ngèngingi manahipoen para Katholik Indonesijah ingkang sami anggolong wonten P.K.W. toewin P. P. K. D. anandangi rembag „Pangajoman toemrap brajat”, kanti ngèngeti bilih Indonesijah poenika déné Nederland; Wétan poenika déné Kilèn.

Kumuningsaselé 2 Dec. 1929

Taklim: Patjar Merah.

### CORRESPONDENTIE:

M. J. A. Koepoe Biroe, boten saged kapatjak, wosipoen (isi) boten béda kalijan ingkang sampoen kawrat ing Sw. Tm. No. 13 tanggal 19 April 1929 katja 1 kolom 4 lan 5. Njai Gedé Winong, boten matoek kapatjak ing koran; tjobi kadamel brochure.

## K A B A R O E M O E M .

### I N D O N É S I J A H .

### Tindakipoen njonjah De Graeff.

Njonjah De Graeff garwanipoen Ingkang Witjaksana Goepnoer Djéndral, èstoe kondoe dateng Nederland, nitih baita Huygens. Margi manggalih kasarasaning sarira, pandjenenganipoen kepeksa boten saged nampi pisowanipoen mitra toewin tetepangan ingkang sami badé ngatoeraken soegeng tindak.

### P. P. K. D. afdeeling Djokja.

P. P. K. D. Ngajogyakarta, mbéndjing tanggal 22 December badé ngwontenaken parepatan warga,



